

AKHBAR : BERITA HARIAN  
 MUKA SURAT : 47  
 RUANGAN : BISNES

# UEM Edgenta bantu hospital kerajaan jimat RM23.6 juta

Program pengurusan tenaga berlangsung 24 bulan

Syarikat penyelesaian pengurusan aset dan infrastruktur, UEM Edgenta Bhd membantu 32 hospital kerajaan di wilayah utara menanjang melakukau penjimatatan RM23.6 juta menerusi perkhidmatan teknologi

Program itu pada awalnya berlangsung 24 bulan dari Januari 17 hingga Disember 2018.

Syarikat itu berkata, inisiatif tersebut yang di bawah konsesi perkhidmatan sokongan hospital profesional, berjaya mengurangkan lepasan karbon yang menjelaskan alam sekitar.

Ia menerusi beberapa inisiatif mengikut penilaian Energy Management Gold Standard (MGS) 1-Star ASEAN Energy Management Scheme (AEMAS) dan/atau EMGS 2-Star AEMAS. Pengarah Urusan dan Ketua Pegawai Eksekutifnya, Datuk Azmir Merican, berkata teknologi

pengesan (sensor) digunakan untuk memantau penggunaan tenaga daripada lampu dan penyejuk di hospital.

"Penjimatatan selanjutnya dijangka diperoleh pada masa depan berikutan penekanan ketara ke arah menjalankan penyelenggaraan berjangka dan pencegahan di semua aspek operasi hospital di bawah penjagaan syarikat.

"Lebih banyak pentadbir hospital dan pasukan pengurusan yang kami hubungi kini memahami bahawa keuntungan yang ketara dapat dicapai dengan inisiatif kecekapan tenaga dan hakikat bahawa pelaburan awal dibuat akan membawa hasil dalam jangka masa panjang."

"Ini dapat dilaksanakan melalui program Kontrak Prestasi Tenaga (EPC), konsep penjimatatan berkongsi inovatif yang membantu syarikat menangani komitmen modal pendahuluan dengan keputusan pantas dan juga memberi impak kepada pendapatan bersih syarikat," katanya dalam satu kenyataan, semalam.

Kemudahan kesihatan seperti hospital dianggap sebagai pengguna tenaga utama kerana keperluan mereka untuk bekalan tenaga terjamin 24 jam untuk pengudaraan, pencahayaan, penyaman udara dan penggunaan



**Lebih banyak pentadbir hospital dan pasukan pengurusan yang kami hubungi kini memahami bahawa keuntungan yang ketara dapat dicapai dengan inisiatif kecekapan tenaga.**

**Azmir Merican,  
 Pengarah Urusan dan  
 Ketua Pegawai Eksekutif  
 UEM Edgenta**

peralatan perubatan dan bukan perubatan.

Ia juga penting bagi kemudahan ini agar lebih bersifat kelestarian alam sekitar.

Tahun lalu, UEM Edgenta memulakan pelaksanaan EPC untuk kemudahan penjagaan kesihatan Kementerian Kesihatan seperti Hospital Teluk Intan dan Hospital Raja Permaisuri Bainun Hospital di Perak serta terbaru, Hospital Kepala Batas di Pulau Pinang pada 2019.

Keputusannya menggalakkan dengan hospital ini mencapai penjimatatan kos dan pengurangan penggunaan tenaga.

Dari Januari hingga Disember 2018, Hospital Teluk Intan mencatatkan penjimatatan secara purata RM1.07 juta berbanding tahun sebelumnya, penjimatatan tenaga 30 peratus bersamaan dengan 2,927,136 kWh.

Azmir berkata, penjimatatan itu berjaya dilakukan kerana banyak perubahan dan penambahbaikan dilakukan seperti kawalan pengambilan pengudaraan, penyejuk tenaga cekap, penyesuaian semula lampu, dan sistem automatik bangunan lain, bagi mengurangkan penggunaan tenaga serta pemantauan masa nyata untuk semua hospital yang dikendalikannya. BERNAMA

AKHBAR : SINAR HARIAN

MUKA SURAT : 11

RUANGAN : NASIONAL

## Kematian pesakit Zika di Perak mungkin akibat virus tempatan

IPOH - Kementerian Kesihatan tidak menolak kemungkinan kes kematian seorang lelaki di Manjung akibat jangkitan Zika berpunca daripada jangkitan virus tempatan.

Ketua Pengarah Kesihatan, Datuk Dr Noor Hisham Abdullah bagaimanapun berkata, siasatan dan tindakan susulan sedang dilakukan oleh pihak Kementerian Kesihatan.

"Besar kemungkinan penyakit Zika itu asal tempatan berdasarkan siasatan. Penyiasatan selanjutnya sedang dijalankan.

"Untuk makluman, kes Zika pernah dilaporkan pada tahun 1960-an di Bentong, Pahang," katanya kepada Bernama di sini semalam.

Dr Noor Hisham

FOTO: SUMBER APMM



ALLAHYARHAM MOHAMAD IKMAL

mengulas mengenai kematian seorang lelaki berumur 30 tahun akibat virus Zika awal pagi semalam dan kes jangkitan itu adalah yang kesembilan dalam negara sejak 2016.

Allahyarham Leftenan Muda (M) Mohamad Ikmal merupakan korban pertama akibat virus zika di Malaysia tahun ini.

Mangsa yang bertugas di KM Nusa Maritim Terengganu disahkan positif jangkitan virus Zika berdasarkan ujian pengesahan daripada Institut Penyelidikan Perubatan pada 13 Oktober lalu meninggal dunia di Hospital Manjung jam 4.45 pagi semalam.

Virus Zika disebarluaskan menerusi nyamuk aedes iaitu nyamuk sama yang menyebabkan penyakit demam denggi dan chikungunya.

Allahyarham meninggalkan seorang balu, Siti Salbiah Roslie daripada Rejimen Askar Jurutera Diraja.